

სსიპ „იუსტიციის სახლი“



სატენდერო დოკუმენტაცია

ქ. ქუთაისის იუსტიციის სახლის შენობის მოწყობილობების შეკეთების და ტექნიკური მომსახურების სახელმწიფო შესყიდვა

ელექტრონული ტენდერი

(CPV 50700000)

წინამდებარე სატენდერო დოკუმენტაცია შედგენილია „სახელმწიფო შესყიდვის შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

2015 - 2016 წ.

ქ. თბილისი

სატენდერო დოკუმენტაცია

1. შესყიდვის ობიექტის ტექნიკური დავალება:

გასაწევი მომსახურების აღწერილობა და მოცულობა განისაზღვრება სატენდერო დოკუმენტაციის დანართი №1-ის შესაბამისად. ზოგადი ინფორმაცია შენობის მოწყობილობებისა და დანადგარების შესახებ იხ. დანართი №4-ში.

2. სატენდერო წინადადების ფასის გაანგარიშების მეთოდი

2.1 სატენდერო წინადადების ფასი გამოსახული უნდა იყოს ეროვნულ ვალუტაში - ლარში, შესყიდვის ობიექტის მიწოდებასთან დაკავშირებული მიმწოდებლის ყველა ხარჯის (მ.შ კანონმდებლობით გათვალისწინებული გადასახადები) გათვალისწინებით, გარდა დღგ-სა.

2.2 პრეტენდენტმა სატენდერო წინადადების ფასში არ უნდა გაითვალისწინოს დღგ, მიუხედავად იმისა, არის თუ არა იგი დღგ-ის გადამხდელი საქართველოს კანონმდებლობის შესაბამისად. შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა, თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისად, რისთვისაც პრეტენდენტმა უნდა წარმოადგინოს შესაბამისი დამადასტურებელი დოკუმენტი.

3. ანგარიშსწორების ვადები და პირობები:

3.1. ფაქტიურად გაწეული მომსახურების ღირებულების ანაზღაურება განხორციელდება ეტაპობრივად, უნაღდო ანგარიშსწორებით, ეროვნულ ვალუტაში – ლარში. ანგარიშსწორება იწარმოებს მხარეთა შორის გაფორმებული მიღება-ჩაბარების აქტებისა და მიმწოდებლის მიერ წარმოდგენილი საგადასახადო ანგარიშ-ფაქტურის (კანონმდებლობით გათვალისწინებულ შემთხვევაში) საფუძველზე, დოკუმენტების სრულყოფილად გაფორმებიდან არაუგვიანეს 20 (ოცი) დღის განმავლობაში.

3.2. მიღება-ჩაბარების აქტ(ებ)ი მხარეთა შორის გაფორმდება ყოველთვიურად, მომსახურების გაწევის შემდეგ, არაუგვიანეს საანგარიშო თვის მომდევნო თვის 10 რიცხვისა, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის საფუძველზე.

3.3. მხარეები უფლებამოსილნი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

3.4. წინასწარი ანგარიშსწორება არ დაიშვება.

3.5. დაფინანსების წყარო: სსიპ „იუსტიციის სახლის“ საკუთარი შემოსავლები.

4. მიწოდების ვადები და ადგილი:

4.1. მომსახურების გაწევა განხორციელდება ყოველდღიურად 2016 წლის 1 იანვრიდან 2016 წლის 31 დეკემბრის ჩათვლით.

4.2. მომსახურების გაწევა განხორციელდება მისამართზე: ქ. ქუთაისი, ირ.აბაშიძის 20, ქუთაისის იუსტიციის სახლი.

5. ფასწარმოქმნის ადეკვატურობა:

სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 მუხლის 2¹ პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი **20%-ით** ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუმეტეს 5 (ხუთი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება, რომელიც უნდა ადასტურებდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. ფასწარმოქმნის ადეკვატურობა, შესაძლებელია დასაბუთდეს სსიპ ლევან სამხარაულის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული უფლებამოსილების/ აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნით (პრეტენდენტის მიერ,

დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი);

6. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

6.1. გასაწევი მომსახურების აღწერილობა სატენდერო დოკუმენტაციის დანართი №1-ის შესაბამისად, დოკუმენტაციაში მითითებული ფორმის და შინაარსის დაცვით.

6.2. გასაწევი მომსახურების ფასების ცხრილი სატენდერო დოკუმენტაციის დანართი №2-ის შესაბამისად, დოკუმენტაციაში მითითებული ფორმის და შინაარსის დაცვით.

6.3. სატენდერო დოკუმენტაციის დანართი №3 დოკუმენტაციაში მითითებული შინაარსის დაცვით.

6.4. პრეტენდენტს უნდა გააჩნდეს გამოცდილება 2013-2015 წლების პერიოდში შემდეგ მომსახურებებზე:

1. ელექტრო სისტემების მომსახურება;
2. ვენტილაციის სისტემის მომსახურება;
3. გაგრილების სისტემის მომსახურება;
4. გათბობის სისტემის მომსახურება;

რის დასტურადაც პრეტენდენტმა უნდა წარმოადგინოს შესაბამისი დასრულებული ხელშეკრულებ(ებ)ისა და დამკვეთის მიერ ხელმოწერილი შესაბამისი მიღება-ჩაბარების აქტ(ებ)ის ასლები, რომელთა ჯამური შესრულება შეადგენს არანაკლებ 250 000 ლარს.

7. დამატებითი ინფორმაცია

7.1. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს პრეტენდენტის შესაბამისად უფლებამოსილი პირის მიერ (საჭიროების შემთხვევაში, წარმოდგენილი უნდა იქნას წარმომადგენლობაზე უფლებამოსილების დამადასტურებელი დოკუმენტი).

7.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

7.3. ტენდერში მონაწილეობით პრეტენდენტი ეთანხმება სატენდერო დოკუმენტაციის ყველა იმ მოთხოვნას, რომელთა შესახებ ინფორმაციის წარმოდგენა ან/და სახელმწიფო შესყიდვების ერთიან ელექტრონულ სისტემაში ატვირთვა არ არის სავალდებულო.

7.4. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია ერთიანი ელექტრონული სისტემის შესაბამისი მოდულის მეშვეობით.

7.5. დაინტერესებულ პირს აქვს შესაძლებლობა ადგილზე გაეცნოს არსებულ ვითარებას.

საკონტაქტო პირი:

სატენდერო კომისიის აპარატის წევრი: ეკატერინე ირემადე , ტელ: 577 05 06 88;

ელ ფოსტა: eiremadze@psh.gov.ge

გასაწევი მომსახურების აღწერილობა

ა) ელექტრო-სისტემების მომსახურება (იხ. დანართი N4-ის 1 პოზიცია)

1. ტრანსფორმატორების, მაღალი და დაბალი ძაბვის ელ ფარების, მექანიკური აგრეგატების მართვის ფარების ყოველკვირეული (და საჭიროების შემთხვევაში) მონიტორინგი და მოვლა; ელექტრო ფარების თერმო კამერით ტესტირება (თვეში 2-ჯერ და საჭიროების შემთხვევაში);
2. სადენების შემოწმება რომ არ გადახურდეს ან არ დაიწვას (ასეთის არსებობის შემთხვევაში მიმწოდებლის მიერ უნდა განხორციელდეს შესაბამისი პრევენციული ზომები), იზოლაციის შემოწმება სპეციალური ხელსაწყოთა (მეგერის) საშუალებით 2 თვეში ერთხელ (და საჭიროების შემთხვევაში);
3. ამომრთველის დასუფთავება მტვრისგან თვეში ერთხელ და საჭიროებისამებრ, შემსყიდველის მოთხოვნის საფუძველზე;
4. ცვლადი დენის ძალის (ამპერაჟის) კონტროლი;
5. დამიწების კონტურის ტესტირება წინააღმდეგ, სპეციალური ხელსაწყოთა გამოყენებით თვეში ერთხელ (და საჭიროების შემთხვევაში);
6. გარე და შიდა განათების სისტემის სრულფასოვანი ფუნქციონირების უზრუნველყოფა;
7. ელექტრო მექანიზმის მქონე ქაღალუბების (სულ 30 ცალი სხვადასხვა ზომის) გამართული ფუნქციონირების უზრუნველყოფა;
8. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.
9. სუსტ დენიანი სისტემების გამართული ფუნქციონირების უზრუნველყოფა;

ბ) ვენტილაციის სისტემის მომსახურება (იხ. დანართი N4-ის მე-2 პოზიცია)

1. ვენტილაციის ცენტრალური დანადგარის ყოველდღიური (და საჭიროების შემთხვევაში) მონიტორინგი;
2. ვენტილაციის დანადგარზე ფილტრების გასუფთავება არანაკლებ თვეში ერთხელ (და საჭიროების შემთხვევაში);
3. დანადგარზე ღვედების და ძრავის შემოწმება; საჭიროების შემთხვევაში ღვედების შეცვლა;
4. ტემპერატურის რეგულირება შემსყიდველის მოთხოვნის შესაბამისად.
5. ვენტილაციის დანადგარის თერმო კამერით ტესტირება თვეში ერთხელ (და საჭიროების შემთხვევაში);
6. ჰაერის ნაკადების ციფრული შემოწმება სეზონურად;
7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

გ) გაგრილების სისტემის მომსახურება (იხ. დანართი N4-ის მე-2 პოზიცია)

1. გაგრილების ცენტრალური დანადგარის ყოველდღიური მონიტორინგი (ან/და საჭიროების შემთხვევაში);
2. გაგრილების ცენტრალური დანადგარის და მთლიანი სისტემის გამორეცხვა (მინიმუმ ერთხელ ხელშეკრულების მოქმედების პერიოდში და საჭიროების შემთხვევაში) და რადიატორების გასუფთავება საჭიროებისამებრ;
3. სისტემაში წყლის ან გლიკოლის წნევის სისტემატიური კონტროლი;
4. საცირკულაციო დანადგარების კონტროლი თერმო კამერის გამოყენებით, რათა არ მოხდეს გახურება ან არ გამოვიდეს მწობრიდან საკისრები;
5. გაგრილების დანადგარის (ფანკოილის) ფილტრების გასუფთავება ორ თვეში ერთხელ (და საჭიროების შემთხვევაში);
6. სპლიტკონდიციონერების ფილტრების გაწმენდა და შეკეთება დაზიანების შემთხვევაში თვეში ერთხელ და საჭიროებისამებრ;
7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

დ) გათბობის სისტემების მომსახურება (იხ. დანართი N4-ის მე-2 პოზიცია)

1. გათბობის ცენტრალური დანადგარის ყოველდღიური მონიტორინგი (და საჭიროების შემთხვევაში);

2. გათბობის ცენტრალური დანადგარის და მთლიანი სისტემის გამორეცხვა (მინიმუმ ორჯერ ხელშეკრულების მოქმედების პერიოდში და საჭიროებისამებრ);
3. სისტემაში წყლის ან გლიკოლის წნევის სისტემატიური კონტროლი;
4. საცირკულაციო დანადგარების კონტროლი თერმო კამერის გამოყენებით, რათა არ მოხდეს გახურება ან არ გამოვიდეს მწობრიდან საკისრები;
5. გათბობის დანადგარის (ფანკოლის) ფილტრების გასუფთავება და რეგულირება ორ თვეში ერთხელ და საჭიროებისამებრ;
6. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

ე) სახანძრო სისტემის მომსახურება (იხ. დანართი N4-ის მე-3 პოზიცია)

1. ყოველდღიური მონიტორინგი;
2. პერიოდულად დეტექტორების გაწმენდა შეკუმშული ჰაერით და ტესტირება; დეტექტორების შემოწმება თვეში ერთხელ კვამლის დეტექტორის ტესტირის მეშვეობით (და საჭიროების შემთხვევაში).
3. საჭიროების შემთხვევაში დეტექტორების გამოცვლა სპეციალური ხელსაწყოების გამოყენებით (პლასტიკური ტელესკოპური შტანგა, პლასტიკური ტელესკოპური შტანგის დამაგრძელებელი და პლასტიკური ტელესკოპური შტანგის დაბოლოება-დეტექტორის მოსახსნელი);
4. ცეცხლმაქრების მოქმედების ვადების მონიტორინგი და განახლება(დატუმბვა) საჭიროებისამებრ.
5. პრეტენდენტს უნდა გააჩნდეს კვამლის დეტექტორისთვის სატესტო აირის მარაგი.
6. სახანძრო სისტემის პროგრამის მოძიება და პროგრამირება საჭიროების შემთხვევაში
7. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები.
8. სახანძრო წყლის სისტემის თვეში ერთხელ შემოწმება/ტესტირება.

ვ) წყალმომარაგების, კანალიზაციის /სან-კვანძების სისტემების მომსახურება (იხ. დანართი N4-ის მე-4 პოზიცია)

1. სისტემების მონიტორინგი და წარმოშობილი პრობლემების მოგვარება;
2. წყლის წნევის რეგულირება;
3. წნევის შემქმნელი ტუმბოების შემოწმება;
4. წყლის ფილტრების გასუფთავება თვეში ერთხელ (და საჭიროების შემთხვევაში);
5. წყლის რეზერვუარის გამორეცხვა საჭიროებისამებრ;
6. სანტექნიკის სისტემების, მარაგ/ნაწილების, აქსესუარების მოვლა/შეცვლა;
7. სახურავის სანიაღვრე სისტემის მოვლა/გამართული ფუნქციონირების უზრუნველყოფა.
8. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

ზ) გენერატორის მომსახურება (მოწყობილობის დასახელება- FG Wilson P 1100E1, სიმძლავრე 880 კილოვატი, რაოდენობა-1 ცალი)

1. ჰაერის ფილტრების, ზეთის ფილტრების, საცხებ-საპოხი მასალების, ტენის საცირკულაციო ძრავის და აკუმულატორის დროულად შეცვლა/ შეკეთება შესაბამისი მასალებით.
2. ყოველთვიური საავარიო გაშვება (და საჭიროების შემთხვევაში).
3. დანადგარის სრულფასოვან ფუნქციონირებასთან დაკავშირებული ინფრასტრუქტურის მომსახურება სრულად.
4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

თ) მუდმივი კვების წყაროს მომსახურება (იხ. დანართი N4-ის მე-5 პოზიცია)

1. აკუმულატორების რეგულარული და მოთხოვნის შესაბამისად ტესტირება (ტევადობასა A/h და წინაღობაზე)
2. მუდმივი ელექტრო კვების წყაროს სისტემის გამართული მუშაუნარიანობის უზრუნველყოფა, რათა ძაბვის მატების ან კლების შემთხვევაში სისტემას არ შეუწყდეს ელ. ენერგიის მიწოდება;
3. მუდმივი ელექტრო კვების წყაროს სისტემის მონიტორინგი;
4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

ი) აუდიოსისტემის მომსახურება (იხ. დანართი N4-ის მე-6 პოზიცია)

1. აუდიოსისტემის რეგულარული და მოთხოვნის შესაბამისად ტესტირება;
2. სისტემის მუშაუნარიანობის უზრუნველყოფა;
3. სისტემაში აღმოჩენილი ხარვეზების დაუყოვნებლივ აღმოფხვრა.
4. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

კ) ვიდეოსისტემის მომსახურება (იხ. დანართი N4-ის მე-7 პოზიცია)

1. ვიდეოთვალეების პერიოდული გაწმენდა;
2. გამოსახულების/რაკურსის შემოწმება და გასწორება;
3. პროგრამული უზრუნველყოფა (ჩანაწერის ამოღების შესაძლებლობა საჭიროების შემთხვევაში);
4. სისტემის მუდმივი მონიტორინგი;
5. სისტემის კომპონენტების გეგმიური შემოწმება/მოვლა-პატრონობა მწარმოებლის რეკომენდაციების სრული დაცვით. ასევე სხვა სარეგლამენტო სამუშაოები

ლ) შენობაში არსებული 2 ცალი მბრუნავი კარის მონიტორინგი და გამართულად მუშაობის უზრუნველყოფა. მწარმოებლის მიერ რეკომენდირებული გეგმიური შემოწმება/მოვლა-პატრონობა რეკომენდაციების სრული დაცვით. ასევე სხვა სარეგლამენტო სამუშაოები

მ) წამკითხველის (რიდერები), მათი კვების ბლოკების, აკუმულატორების და კარის ელ. საკეტების გამართული მუშაობის უზრუნველყოფა (მწარმოებელი - Suprema , რაოდენობა -16 ცალი). მწარმოებლის მიერ რეკომენდირებული გეგმიური შემოწმება/მოვლა-პატრონობა რეკომენდაციების სრული დაცვით. ასევე სხვა სარეგლამენტო სამუშაოები

ნ) ტურნიკეტის გამართული ფუნქციონირების უზრუნველყოფა (მწარმოებელი-WEJOIN რაოდენობა-2 ცალი მწარმოებლის მიერ რეკომენდირებული გეგმიური შემოწმება/მოვლა-პატრონობა რეკომენდაციების სრული დაცვით. ასევე სხვა სარეგლამენტო სამუშაოები

ო) მიმწოდებელმა საკუთარი ხარჯებით უნდა შეასრულოს შემსყიდველის კუთვნილი საოფისე ინვენტარის, კარ-ფანჯრების შეკეთება და მასალა-ნაწილებით მომარაგება (მ/შ საკეტები და მათი გულანები, გასაღებები, ბოქლომები, სახელურები, პეტლები, ანჯამები, ზამბარები, კარის დამჭერი მექანიზმები - ე.წ. შვეიცარები, გორგოლაჭები და სხვა). მასალების განახლება უნდა განხორციელდეს არსებული ინვენტარის მსგავსი, თავსებადი საქონლით ჩანაცვლებით.

პ) მომსახურება უნდა განხორციელდეს კვალიფიციური სპეციალისტების მეშვეობით, რომლებმაც აღნიშნული მომსახურება და სატენდერო დოკუმენტაციის გათვალისწინებული მატერიალური ფასეულობების მოვლა-პატრონობა უნდა განხორციელონ სისტემის შესაბამისი კომპონენტის მწარმოებლის რეკომენდაციის სრული დაცვით. მიმწოდებელმა უნდა გამოყოს არანაკლებ ორი მორიგე თანამშრომელი, რომლებიც 24 საათის განმავლობაში მუდმივად იმყოფებიან ობიექტზე. მომსახურების გამწევ პერსონალს უნდა გააჩნდეს მომსახურების გაწევისთვის საჭირო სპეციალური ტექნიკური საშუალებები, სპეც. ფორმა წარწერით - „ტექნიკური პერსონალი“ და აღჭურვილობა. მომსახურების გაწევისას მკაცრად უნდა იქნას დაცული უსაფრთხოების რეკომენდირებული ნორმები.

ჟ) შენობაში არსებული აგრეგატების, სისტემების და მოწყობილობების მუშაობაში ხარვეზის აღმოჩენის შემთხვევაში, მიმწოდებლის მიერ დაუყოვნებლივ უნდა განხორციელდეს შესაბამისი რეაგირება და მიღებული იქნას ყველა აუცილებელი ზომა არსებული ხარვეზის უმოკლეს ვადებში აღმოსაფხვრელად (სისტემაში მნიშვნელოვანი ხარვეზის აღმოჩენის შემთხვევაში, ხარვეზის აღმოფხვრის კონკრეტულ მაქსიმალურ გონივრულ ვადებს ადგენს შემსყიდველი მიმწოდებელთან შეთანხმებით. შეთანხმებული ვადების დარღვევა გამოიწვევს მიმწოდებლისთვის შესაბამისი პირგასამტეხლოს დაკისრებას). სისტემაში წარმოქმნილ ნებისმიერ ხარვეზზე დგება დეფექტური აქტი, რომელშიც მიეთითება ხარვეზის წარმოქმნის ზუსტი ადგილმდებარეობა, ხარვეზის დამფიქსირებელი პიროვნებების რეკვიზიტები, ხარვეზის დეტალური აღწერა და მისი გამომწვევი სავარაუდო/ზუსტი მიზეზები, აგრეთვე პრობლემ(ებ)ის აღმოფხვრის ვადები. აღნიშნული დოკუმენტი იქმნება

ხარვეზის აღმოჩენისთანავე და დაუყოვნებლივ უნდა მიეწოდოს სამეურნეო და მატერიალურ-ტექნიკური უზრუნველყოფის სამსახურს.

რ) გასაწევი მომსახურების ფარგლებში შესაცვლელ ყოველ ნაწილზე/მასალაზე შედგება შეთანხმების აქტი, სადაც აღნიშნული უნდა იყოს საქონლის დასახელება, რაოდენობა, ერთეულის ფასი (საბაზრო ფასის გათვალისწინებით) და საგარანტიო პერიოდი (იმ შემთხვევაში, თუ საქონლის შეძენა ხდება მიმწოდებლის ხარჯით). საგარანტიო ვადის განმავლობაში მიმწოდებელი ვალდებულია მის მიერ მიწოდებულ ნაწილზე/მასალაზე საკუთარი ხარჯებით უზრუნველყოს გამოვლენილი ნაკლის აღმოფხვრა, საჭიროების შემთხვევაში წუნდებული საქონლის შეცვლა ახლით (ტრანსპორტირების ჩათვლით).

ს) მიმწოდებელი ვალდებულია მომდევნო თვის 5 რიცხვამდე, დეკემბერში არაუგვიანეს 30 რიცხვისა, წარმოადგინოს გაწეული მომსახურების შესახებ სრულყოფილი, დეტალური ანგარიში.

ტ) წინამდებარე დანართით გათვალისწინებული მომსახურების თითოეულ პოზიციაზე, ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელმა უნდა უზრუნველყოს 1000 ლარამდე ერთეულის ღირებულების მქონე საქონლის (საცხებ-საპოხი, სახარჯი მასალები, აქსესუარები, მოწყობილობების და დანადგარების მარაგ/ნაწილები და სხვა), საკუთარი ხარჯით შეძენა, ხოლო 1000 ლარზე მეტი ერთეულის ღირებულების მქონე საქონლის (საცხებ-საპოხი, სახარჯი მასალები, აქსესუარები, მოწყობილობების და დანადგარების მარაგ/ნაწილები და სხვა) შეძენას და მიწოდებას უზრუნველყოფს შემსყიდველი.

უ) წინამდებარე დანართით გათვალისწინებული მომსახურების თითოეულ პოზიციაზე, ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელმა უნდა უზრუნველყოს ნებისმიერი ღირებულების მქონე საქონლის (საცხებ-საპოხი, სახარჯი მასალები, აქსესუარები, მოწყობილობების და დანადგარების მარაგ/ნაწილები და სხვა) შეცვლა, შეკეთება, გადაკეთება, დამონტაჟება და სხვა სახის მომსახურება;

ფ) ხელშეკრულების მოქმედების პერიოდში წარმოქმნილი ყველა საჭიროების შესაბამისად, მიმწოდებელი უზრუნველყოფს წინამდებარე დანართის პუნქტებით გათვალისწინებულ თითოეულ პოზიციაზე მომსახურების გაწევასთან დაკავშირებული მცირე სარემონტო სამუშაოების წარმოებას (კერძოდ, დაზიანებული ნებისმიერი სტრუქტურის მქონე კედლის, იატაკის, ჭერის აღდგენა/შეღებვა/გამოცვლა და ა.შ. მომსახურების გაწევისას გამოყენებული მასალები მაქსიმალურად უნდა შეესაბამებოდეს შენობა-ნაგებობის, მოწყობილობებისა და სისტემების მახასიათებლებს.), იმ შემთხვევაში, თუ თითოეულ ჯერზე ამ ქვეპუნქტით გათვალისწინებული შესასრულებელი სამუშაოს ღირებულება არ აღემატება 500 ლარს (საბაზრო ფასის გათვალისწინებით).

ქ) იმ შემთხვევაში, თუ წინამდებარე შესყიდვით გათვალისწინებული მოწყობილობების, სისტემების გამართული ფუნქციონირებისათვის საჭირო გახდება ისეთი მომსახურების, სამუშაოს ან/და საქონლის შესყიდვა, რომლის მოწოდებასაც არ ითვალისწინებს სატენდერო დოკუმენტაცია, მიმწოდებელი ვალდებულია შემსყიდველს გაუწიოს კვალიფიციური კონსულტაცია და გონივრულ ვადაში მიაწოდოს ახალი შესყიდვის განხორციელებისთვის საჭირო დეტალური ინფორმაცია: შესყიდვის ობიექტის აღწერილობა, ტექნიკური მახასიათებლები, რაოდენობა/მოცულობა, ხარჯთაღრიცხვა, კონსტრუქციული ნახაზი, ფოტო ესკიზი, პროექტირება და სხვა.

ღ) მიმწოდებელი ვალდებულია ობიექტზე არსებული სისტემების პროგრამულ უზრუნველყოფაზე.

ყ) მიმწოდებელმა უნდა უზრუნველყოს შემსყიდველის კუთვნილი საწვავის ტრანსპორტირება ავტო გასამართ სადგურიდან შენობაში განთავსებულ ავზებამდე. მოთხოვნიდან არა უგვიანეს ორ დღეში. შემდეგი პირობებით: წელიწადში არა უმეტეს 5000 ლიტრისა, თვეში არა უმეტეს 1000 ლიტრისა, არა უმეტეს 30 კმ-ის რადიუსისა, ყოველთვიური ლიმიტის მოწოდება უნდა განხორციელდეს არა უმეტეს ხუთ ეტაპად.

შ) მიმწოდებელი ვალდებულია მომსახურების ვადის გასვლის შემდეგ, არაუგვიანეს 15 დღის ვადაში, განხორციელოს სატენდერო დოკუმენტაციის დანართით №1 და №4-ით გათვალისწინებული ძირითადი საშუალებების და სისტემების გადაბარება, შემსყიდველის შესაბამისად ულგებამოსილი წარმომადგენლებისთვის. ძირითადი საშუალებების და სისტემების გადაბარების შესახებ შედგება შესაბამისი

მიღება-ჩაბარების აქტი (საჭიროების შემთხვევაში დეფექტური აქტი), რომელსაც ხელმოწერით დაადასტურებენ მიმწოდებელი და შემსყიდველის უფლებამოსილი წარმომადგენელი. გადაბარების შედეგად გამოვლენილი ძირითადი საშუალებების და სისტემების დეფექტის შემთხვევაში, მიმწოდებელს ეკისრება პასუხისმგებლობა საკუთარი ხარჯებით განახორციელოს აღმოჩენილი დეფექტის აღმოფხვრა.

ჩ) მიმწოდებელი ვალდებულია ხელშეკრულების გაფორმების შემდეგ, არაუგვიანეს 15 დღის ვადაში, შემსყიდველის შესაბამისად უფლებამოსილი წარმომადგენლისგან გადაიბაროს სატენდერო დოკუმენტაციის დანართით №1 და №4-ით გათვალისწინებული ძირითადი საშუალებები და სისტემები.

ც) მომსახურება უნდა განხორციელდეს შენობაში მიმდინარე სამუშაო პროცესის შეფერხების გარეშე.

პრეტენდენტი:-----

ხელმოწერა:-----

ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი პირის მიერ

ფასების ცხრილი

N	მომსახურების დასახელება	განზომილების ერთეული	მოცულობა/მომსახურების გაწევის პერიოდი	ერთეულის ფასი (ლარი)	საერთო ღირებულება (ლარი)	მომსახურების გაწევის ადგილი
1	2	3	4	5	6	7
1	ქ. ქუთაისის იუსტიციის სახლის შენობის მოწყობილობების შეკეთება და ტექნიკური მომსახურება სატენდერო დოკუმენტაციის დანართი N1-ის და დანართი N4-ის შესაბამისად.	თვე	12 თვე (პერიოდი: 2016 წლის 1 იანვრიდან 2016 წლის 31 დეკემბრის ჩათვლით)			ქ. ქუთაისი, ირ.აბაშიძის ქ.№20,
სულ ღირებულება დღგ-ს გარეშე:						

პრეტენდენტი: _____

ხელმოწერა და ბეჭედი: _____

ინფორმაცია ხელმოწერილი და ბეჭედდასმული უნდა იყოს პრეტენდენტის შესაბამისად უფლებამოსილი პირის მიერ

რეკვიზიტები

პრეტენდენტის იურიდიული ფორმა და დასახელება: _____
ხელმძღვანელის/უფლებამოსილი პირის სახელი და გვარი: _____
პრეტენდენტის იურიდიული ან/და ფაქტიური მისამართი: _____
პრეტენდენტის ტელეფონის ნომერი: _____
საიდენტიფიკაციო კოდი: _____
ბანკი და ბანკის კოდი: _____
ანგარიშსწორების ანგარიში: _____

პრეტენდენტი: -----

ინფორმაცია ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი პირის მიერ

დანართი №4

ქ. ქუთაისის იუსტიციის სახლში არსებული სისტემების ჩამონათვალი

№	სისტემის/დანადგარის, მოწყობილობის დასახელება	ერთეული	რაოდენობა
1. ელექტრო-სისტემები			
<i>1.1. ტრანსფორმატორები, მაღალი და დაბალი ძაბვის ფარები</i>			
1	მშრალი ტრანსფორმატორი	ცალი	1
2	მაღალი ძაბვის ვაკუუმიური ამომრთველი	ცალი	1
3	დაბალი ძაბვის ფარი	ცალი	3
4	ამომრთველი intelligent circuit breaker DW-15-1600	ცალი	1
5	დაბალი ძაბვის ბერკეტული სამ ფაზიანი ამომრთველი 400A	ცალი	2
6	დაბალი ძაბვის ბერკეტული სამ ფაზიანი ამომრთველი 250A	ცალი	2
სისტემის გამართულ ფუნქციონირებასთან დაკავშირებული ინფრასტრუქტურა სრულად			
1.2. შიდა განათება			
1	პროექტორის ჰალოგენი	ცალი	15.00
2	სანათი	ცალი	391.00
3	სანათი	ცალი	2.00
4	სანათი	ცალი	6.00
5	სანათი	ცალი	6.00
6	სანათი	ცალი	8.00
7	ოთხკუთხა სანათი OZAYD 501732 1X32	ცალი	15.00
8	ოთხკუთხა სანათი OZAD 313030 2X32	ცალი	23.00
9	ჩამოსაკიდი სანათი	ცალი	55.00
10	გასასვლელის აღმნიშვნელი	ცალი	15.00
11	ჭერზე მიდგმული განათება	ცალი	20.00
12	განათება	ცალი	10.00
13	დეკორატიული ჭალი	ცალი	8.00
14	ტრანსფორმატორი 12V/60ჰ	ცალი	20.00
15	სანათი 81657/0131	ცალი	28.00
16	სანათი CROSSER MEDIUM 6X1BKII ASRAM 4008321957511	ცალი	1.00
17	მეტლოჰალოგენი HIT-150	ცალი	7.00
18	თაბაშირმუყაოს ჭერის განათება	ცალი	466.00
19	არმსტრონგის განათება ოთხნათურიანი	ცალი	363.00
20	დარბაზის განათება ჩამოკიდული	ცალი	48.00
21	თაბაშირმუყაოს ჭერის განათება დარბაზის ირგვლივ	ცალი	72.00
22	თაბაშირმუყაოს ჭერის განათება დარბაზის თავზე	ცალი	98.00
23	ჩამოშვებული განათება 1 ნათურიანი	ცალი	31.00
24	დაკიდული განათება 3 ნათურიანი	ცალი	16.00
სისტემის გამართულ ფუნქციონირებასთან დაკავშირებული ინფრასტრუქტურა სრულად			
1.3. ელექტრო ფარები			
1	ელექტრო ფარი BF-U-5/120-C AC-240V/415V	ცალი	4.00
2	ელექტრო ფარი BF-U-5/120 AC-240V/415V	ცალი	2.00
3	ელექტრო ფარი BF-U-5/120-V AC-240V/415V	ცალი	1.00
4	ელექტრო ფარი BF-U-4/96-C AC-240V/415V	ცალი	2.00
5	ელექტრო ფარი BF-U-3/72-C AC-240V/415V	ცალი	1.00
6	ავტომატური ამომრთველი GEWISS C100	ცალი	13.00
7	ავტომატური ამომრთველი GEWISS C80	ცალი	11.00
8	ავტომატური ამომრთველი GEWISS C63	ცალი	13.00
9	ავტომატური ამომრთველი GEWISS C50	ცალი	13.00
10	ავტომატური ამომრთველი GEWISS C25	ცალი	110.00
11	ავტომატური ამომრთველი GEWISS C20	ცალი	125.00
12	ავტომატური ამომრთველი GEWISS C16	ცალი	152.00
13	ფოტოელემენტი	ცალი	1.00
14	ავტომატური ამომრთველი GEWISS 25/0,3	ცალი	232.00
15	ამომრთველი legrand dpx1600 800A	ცალი	1.00
16	ამომრთველი legrand dpx630 630A	ცალი	1.00
17	ამომრთველი legrand dpx160 160A	ცალი	3.00
18	ამომრთველი pkzm0-6,3	ცალი	5.00

დანართი №4

ქ. ქუთაისის იუსტიციის სახლში არსებული სისტემების ჩამონათვალი

№	სისტემის/დანადგარის, მოწყობილობის დასახელება	ერთეული	რაოდენობა
19	ამომრთველი pkzm0-10	ცალი	3.00
20	ამომრთველი pc 185k6n 325A	ცალი	1.00
21	ამომრთველი pkzm4-63	ცალი	1.00
22	ამომრთველი pkzm4-40	ცალი	7.00
23	ამომრთველი pc 5k1-01-12A	ცალი	6.00
24	ამომრთველი pc 9k2-18A	ცალი	3.00
25	ამომრთველი pc 4k1-019A	ცალი	2.00
სისტემის გამართულ ფუნქციონირებასთან დაკავშირებული ინფრასტრუქტურა სრულად			
1.4 ავტოსადგომის და იუსტიციის სახლის მიმდებარე ტერიტორიის გარე განათება.			
1	გარე განათების ბოძი	ცალი	35
2	პარკინგის განათება	ცალი	19
3	MOOVE IP65*MH1X150W RX7S-24 SIMMETRICO L=500	ცალი	19
4	WALKIE CAR300*1X150W HQI G12 230V GHIERA	ცალი	29
5	WALKIE CAR300*GRILIA FRANGILUCE	ცალი	29
სისტემის გამართულ ფუნქციონირებასთან დაკავშირებული ინფრასტრუქტურა სრულად			
2. გათბობა-გაგრილება, ვენტილაცია			
2.1. სასერვერო გაგრილების სისტემები			
1	კონდენციონერი panasonic C5-E24MKDS	ცალი	2.00
სისტემის გამართულ ფუნქციონირებასთან დაკავშირებული ინფრასტრუქტურა სრულად			
2.2. დანადგარები, აგრეგატები, ძრავები			
1	ჩილერი CLIVET WSAT-XSC2180F	ცალი	2.00
2	გათბობის ქვაბი unical	ცალი	2.00
3	ვენტილაციის აგრეგატი-18,5 kw	ცალი	1.00
4	ვენტილაციის დამხმარე აგრეგატი 15 kw	ცალი	1.00
5	ვენტილაციის აგრეგატი 5,5 kw	ცალი	3.00
6	ვენტილაციის აგრეგატი 7,5 kw	ცალი	1.00
7	SABIANA ფანკოილი ჭერის დიდი	ცალი	58.00
8	SABIANA ფანკოილი ჭერის პატარა	ცალი	62.00
9	SABIANA ფანკოილი კედლის	ცალი	12.00
10	SABIANA ფანკოილის პულტი	ცალი	85.00
11	WILO წყლის ტუმბო 0,37 kw	ცალი	7.00
12	WILO წყლის ტუმბო 1,10 kw	ცალი	2.00
13	WILO წყლის ტუმბო 1,5 kw	ცალი	2.00
14	WILO წყლის ტუმბო 2,20 kw	ცალი	2.00
15	WILO წყლის ტუმბო 5,5 kw	ცალი	2.00
16	WILO ქვაბის წყლის საცირკულაციო ტუმბო	ცალი	4.00
17	ბოილერის წყლის საცირკულაციო ტუმბო	ცალი	1.00
სისტემის გამართულ ფუნქციონირებასთან დაკავშირებული ინფრასტრუქტურა სრულად			
3. სახანძრო სისტემა			
3.1. სახანძრო სიგნალიზაცია			
1	პანელი მართვის პულტით (დისპლეით)	ცალი	2.00
2	აკუმულატორი	ცალი	2.00
3	სახანძრო დეტექტორი	ცალი	112.00
4	განგაშის ღილაკი	ცალი	7.00
5	სირენა	ცალი	7.00
სისტემის გამართულ ფუნქციონირებასთან დაკავშირებული ინფრასტრუქტურა სრულად			
4. წყალმომარაგების/სანკვანძების სისტემა			
1	საკანალიზაციო ავტომატიზირებული 2 ტუმბოიანი სადგური WILO (რეზერვუარით, მართვის კარადითა და ყველა საჭირო მექანიკური და ელექტრო აქსესუარებით)	ცალი	1

დანართი №4

ქ. ქუთაისის იუსტიციის სახლში არსებული სისტემების ჩამონათვალი

№	სისტემის/დანადგარის, მოწყობილობის დასახელება		ერთეული	რაოდენობა
2		გრუნტის წყლების გადასატუმბი ავტომატიზირებული სადგური WILO (რეზერვუარით, მართვის კარადითა და ყველა საჭირო მექანიკური და ელექტრო აქსესუარებით)	ცალი	1
სისტემის გამართულ ფუნქციონირებასთან დაკავშირებული ინფრასტრუქტურა სრულად				
5. მუდმივი კვების წყარო				
1	EMERSON	უწყვეტი კვების წყარო Liebert NX 200kVA	ცალი	1
2		აკუმულატორი RITAR BATTERY RA 12-85	ცალი	40
სისტემის გამართულ ფუნქციონირებასთან დაკავშირებული ინფრასტრუქტურა სრულად				
6. აუდიოსისტემა				
1		ხმამაღლამოლაპარაკე DB M 50T	ცალი	29
2		ხმამაღლამოლაპარაკე WX 302	ცალი	2
3		ხმამაღლამოლაპარაკე RCF PL	ცალი	6
4		გამამლიერებელი AUDAC CPA36	ცალი	1
5		მიქსერი ZED 10	ცალი	1
6		რადიო მიკროფონი DB PU860	ცალი	2
7		DVD samsung c450k	ცალი	1
სისტემის გამართულ ფუნქციონირებასთან დაკავშირებული ინფრასტრუქტურა სრულად				
7. ვიდეო-სისტემა				
1		ქსელური ჩამწერი	ცალი	1
2		ქსელური კამერა BRICKCOM	ცალი	28
3		ქსელური კამერა	ცალი	3
სისტემის გამართულ ფუნქციონირებასთან დაკავშირებული ინფრასტრუქტურა სრულად				

სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„—“ „—“ — წელი

ერთის მხრივ სსიპ „იუსტიციის სახლი“ (შემდგომში „შემსყიდველი“) წარმოდგენილი _____ სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის (SPA000000000) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. შესყიდვის ობიექტი და ხელშეკრულების საგანი

- 2.1. შესყიდვის ობიექტს წარმოადგენს შემსყიდველის საკუთარი შემოსავლების ფარგლებში, **შენობის მოწყობილობების შეკეთება და ტექნიკური მომსახურება (CPV50700000)**.
- 2.2. ხელშეკრულების საგანია ქ. ქუთაისის იუსტიციის სახლის **შენობის მოწყობილობების შეკეთება და ტექნიკური მომსახურება** დანართი N1-ის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს ----- (-----) ლარს.
- 3.2. ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. გასაწევი მომსახურების ერთეულის და საერთო ფასი განისაზღვრება დანართი N2-ის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

4. მხარეთა ვალდებულებები

4.1. მიმწოდებელი ვალდებულია:

- 4.1.1. განახორციელოს ხელშეკრულების მე-2 მუხლით გათვალისწინებული მომსახურება შემდეგ მისამართზე: ქ. ქუთაისი, ირ. აბაშიძის 20, ქუთაისის იუსტიციის სახლი.
- 4.1.2. უზრუნველყოს მომსახურების გაწევა 2016 წლის 1 იანვრიდან 2016 წლის 31 დეკემბრის ჩათვლით.
- 4.1.3. ხელი შეუწყოს შემსყიდველს ხელშეკრულების შერულების კონტროლის განხორციელებისას და უზრუნველყოს ინსპექტირების შედეგად გამოვლენილი წუნის აღმოფხვრა (მ/შ წუნდებული საქონლის შეცვლა ახლით საგარანტიო პერიოდში) საკუთარი ხარჯით, ასეთი წუნის აღმოჩენიდან გონივრულ ვადაში.
- 4.1.4. მომსახურების გაწევისას მკაცრად დაიცვას უსაფრთხოების ნორმები.
- 4.1.5. უზრუნველყოს მომსახურების გაწევის პროცესში, მიმწოდებლის მიზეზით (მ/შ აუფრთხილებლობით), შემსყიდველისთვის ან/და მესამე პირისთვის მიყენებული ზიანის სრული ანაზღაურება საკუთარი ხარჯით.
- 4.1.6. განახორციელოს ამ ხელშეკრულებით მასზე დაკისრებული სხვა ვალდებულებები.

4.2. მიმწოდებელი უფლებამოსილია:

- 4.2.1. მოითხოვოს ფაქტობრივად გაწეული მომსახურების ღირებულების ანაზღაურება ხელშეკრულების პირობების შესაბამისად.

4.3. შემსყიდველი ვალდებულია:

- 4.3.1 უზრუნველყოს მიმწოდებლის მიერ ფაქტობრივად გაწეული მომსახურების ღირებულების ანაზღაურება ხელშეკრულების პირობების შესაბამისად.
- 4.3.2. განახორციელოს ამ ხელშეკრულებით მასზე დაკისრებული სხვა ვალდებულებები.

4.4. შემსყიდველი უფლებამოსილია:

- 4.4.1. უზრუნველყოს ხელშეკრულების შესრულების კონტროლი ხელშეკრულების მიმდინარეობის ნებისმიერ ეტაპზე.

5. ხელშეკრულების შესრულების კონტროლი

- 5.1. შემსყიდველის მიერ ხელშეკრულების შესრულების კონტროლი განხორციელდება ხელშეკრულების მიმდინარეობის ნებისმიერ ეტაპზე, შემსყიდველის მოთხოვნის შესაბამისად.
- 5.2. ხელშეკრულების პირობების შესრულების ინსპექტირებას განახორციელებს სსიპ „იუსტიციის სახლი“-ს -----

6. მომსახურების მიღება-ჩაბარების წესი

- 6.1. მომსახურების მიღება იწარმოებს ყოველთვიურად, მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 6.2. მიღება-ჩაბარების აქტი გაფორმდება ყოველთვიურად, მომსახურების გაწევის შემდეგ, ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის საფუძველზე, საანგარიშო თვის მომდევნო თვის 10 რიცხვამდე.

7. ანგარიშსწორება

- 7.1. ანგარიშსწორება განხორციელდება შემდეგი პირობებით:
 - 7.1.1. ანგარიშსწორების ვალუტა - ლარი;
 - 7.1.2. ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- 7.2. შემსყიდველი იღებს ვალდებულებას გადაუხადოს მიმწოდებელს ფაქტიურად გაწეული მომსახურების ღირებულება ეტაპობრივად, მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (კანონმდებლობით გათვალისწინებულ შემთხვევებში) 20 (ოცი) დღის განმავლობაში.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს ეკისრება პირგასამტეხლო, თითოეულ ასეთ შემთხვევაზე, ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

9.2. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლებელია დაეკისროს პირგასამტეხლო, ხელშეკრულების დანართი N1-ით განსაზღვრული თითოეული პუნქტის (ა პუნქტიდან - ც პუნქტის ჩათვლით) დარღვევის შემთხვევაში, ყოველ დარღვეულ პუნქტზე ხელშეკრულების ღირებულების 1%-ის ოდენობით.

9.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 10%-ის ოდენობით.

9.4. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

9.6. მხარეები უფლებამოსილი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

10.4. თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს

ხელშეკრულებიდან მის მიერ განსაზღვრული გონივრული დამატებითი ვადის უშედეგოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით.

10.5. ხელშეკრულება შეიძლება შეწყდეს მხარეთა წერილობითი ურთიერთშეთანხმებით ან/და საქართველოს კანონმდებლობით დადგენილ სხვა შემთხვევებში.

11. ხელშეკრულების შესრულების შეუძლებლობა

11.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს მხარეთა პასუხისმგებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

12. დავები და მათი გადაწყვეტის წესი

12.1. ხელშეკრულება დადებულია და განიმარტება საქართველოს კანონმდებლობის შესაბამისად.

12.2. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერიდან და მოქმედებს 2017 წლის 31 იანვრის ჩათვლით.

15. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი შემსყიდველს.

16. მხარეთა რეკვიზიტები:

შემსყიდველი:

მიმწოდებელი: